



J.U. MES
MEĐUNARODNI TEATARSKI FESTIVAL
SCENA MESS
WWW.MESS.BA

KOMISIJA ZA PROVOĐENJE JAVNOG OGLASA

Na osnovu Odluke o imenovanju Komisije broj: 02-VI-303/20, od 29.6.2020 godine, Komisija za provođenje javnog konkursa za provođenje javnog konkursa za izbor i imenovanje direktora Javne ustanove „MES - Međunarodni teatarski festival - Scena MESS“, na mandatni period od četiri godine (u daljem tekstu Komisija), na prvom sastanku koji je održan dana 3.8.2020. godine donosi,

POSLOVNIK O RADU **KOMISIJE ZA PROVOĐENJE PROCEDURE JAVNOG KONKURSA** **ZA IZBOR I IMENOVANJE DIREKTORA**

I. OPĆE ODREDBE

Član 1.

(Predmet)

Ovim Poslovníkom uređuje se način rada i odlučivanja Komisije za provođenje javnog konkursa za izbor i imenovanje direktora Javne ustanove „MES - Međunarodni teatarski festival - Scena MESS“, na mandatni period od četiri godine (u daljem tekstu Komisija).

Član 2.

(Imenovanje Komisije)

(1) Komisije za provođenje javnog konkursa imenovana je Odlukom Upravnog odbora broj: 02-VI-303/20, od 29.6.2020 godine u sljedećem sastavu:

1. Dajana Gurda
2. Ira Isović
3. Edin Mustafić

Član 3.

(Načela)

(1) Rad Komisije zasniva se na načelima zakonitosti, nezavisnosti, nepristrasnosti, objektivnosti, efikasnosti i javnosti.

(2) Komisija je u svom radu autonomna.



**J.U. MES
MEĐUNARODNI TEATARSKI FESTIVAL
SCENA MESS
WWW.MESS.BA**

Član 4.

(Izuzeće članova Komisije)

- (1) Član Komisije će odmah ili najkasnije dva dana od dana saznanja za razloge izuzeća zatražiti izuzeće u Komisiji, ukoliko je srodnik nekog od prijavljenih kandidata u pravoj ili pobočnoj liniji do četvrtog stepena i u tazbinskoj liniji do drugog stepena.
- (2) O zahtjevu za izuzeće iz stava (1) ovog člana poslodavac donosi odluku najkasnije u roku od tri dana od dana podnošenja zahtjeva, a protiv ove odluke žalba nije dopuštena.

Član 5.

(Zamjena)

Ukoliko predsjednik ili neki od članova komisije privremeno, trajno ili u dužem vremenskom periodu bude spriječen da vrši svoju dužnost, dužan je odmah obavijestiti poslodavca radi imenovanja zamjenskog člana.

Član 6.

(Propisi)

Komisija provodi postupak utvrđivanja prijedloga za izbor radnika u skladu sa odredbama sljedećih propisa:

- Zakon o radu („Službene novine Federacije BiH“, broj 26/16 i 89/18);
- Kolektivni ugovor za djelatnost kulture u Kantonu Sarajevo („Službene novine Kantona Sarajevo“ broj: 52/19);
- Pravilnik o unutrašnjoj organizaciji i sistematizaciji radnih mjesta J.U. „MES - Međunarodni teatarski festival - Scena MESS“ broj: 02-VI-369-1/18, od 13.06.2018.;
- Pravilnik o radu J.U. „MES - Međunarodni teatarski festival - Scena MESS“ broj: 02-IX-482/19, od 10.09.2019. godine.

II. RAD KOMISIJE

Član 7.

(Način odlučivanja)

- (1) Komisija u radu radi u punom sastavu.
- (2) Komisija odlučuje o pitanjima iz svoje nadležnosti većinom glasova, a za svaku odluku smatra da je donesena, ako su za nju glasala najmanje dva člana.

Član 8.

(Sastanci Komisije)

- (1) Sastanci Komisije će se održavati na zahtjev predsjednika/ce Komisije, koji vodi sastanke i potpisuje sve donesene dokumente.
- (2) O svom radu Komisija vodi zapisnik, koji je sastavni dio dokumentacije, a isti potpisuje predsjednik i članovi Komisije.
- (3) Zapisnik sažbi osnovne podatke o radu na sjednici, a naročito;
 - Datum, mjesto održavanja, vrijeme početka sjednice;
 - Imena prisutnih članova Komisije;
 - Ime i prezime predsjedavajućeg i zapisničara;
 - Predloženi i utvrđeni dnevni red;
 - Definisane prijedloge po redosljedu iznošenja;
 - Izdvojena mišljenja, potpis predsjednika i zapisničara;
 - U zapisnik se unose izjave na koje izričito članovi insistiraju da se unesu definitivno.

Član 9.

(Rasprava o tačkama dnevnog reda i vođenje zapisnika)

- (1) Razmatranje i odlučivanje na sjednici Komisije vrši se po tačkama utvrđenog dnevnog reda.
- (2) O svakoj tački dnevnog reda otvara se rasprava i nakon toga se usvajaju odluke, prijedlozi i zaključci.
- (3) O toku sjednice Komisije vodi se zapisnik.
- (4) Zapisnik sadrži datum, mjesto i vrijeme održavanja sjednice, dnevni red, osnovne podatke o toku sjednice, prijedlozima iznesenim na istoj, sažeto izlaganje, rezultate glasanja, te usvojene odluke, prijedloge odnosno zaključke.
- (5) Zapisnik sa prethodne sjednice Komisije u pravilu se usvaja na sljedećoj sjednici.
- (6) Predsjedavajući i član Komisije ima pravo dati primjedbe na zapisnik, te zahtijevati da njegova primjedba bude unesena u zapisnik.
- (7) Usvojeni zapisnik potpisuju predsjedavajući i sekretar Komisije.



J.U. MES
MEĐUNARODNI TEATARSKI FESTIVAL
SCENA MESS
WWW.MESS.BA

III. POSTUPAK PROVOĐENJA JAVNOG OGLASA

Član 10.

(Postupanje po pristiglim prijavama)

- (1) Po isteku roka za podnošenje prijava na konkurs, Komisija pregleda sve pristigle prijave i dostavljene dokaze, utvrđuje njihovu ispravnost i sastavlja spisak kandidata među kojima se provodi izborni postupak.
- (2) Ispravnom prijavom smatra se prijava koja je potpisana od strane podnosioca i usklađena sa javnim oglasom, uz koju su priloženi svi dokazi o ispunjavanju potrebnih uslova iz pravilnika kojim se reguliše sistematizacija radnih mjesta, te koja je podnesena u roku određenom u javnom konkursu.
- (3) Spisak kandidata iz stava (1) ovog člana potpisuju svi članovi Komisije.
- (4) Komisija pisanim putem obavještava kandidate čija dokumentacija nije ispravna da nisu na spisku kandidata među kojima se provodi izborni postupak, sa navođenjem razloga zašto pristigla prijava nije ispravna, uz mogućnost uvida u dostavljenu dokumentaciju, u roku od tri dana prijema obavijesti.
- (5) Komisija će provoditi postupak i zasjedati u prostorijama J.U. "MES - Međunarodni tetarski festival - Scena MESS".

Član 11.

(Konačna lista)

- (1) Komisija na osnovu pregleda i ocjene prijava sačinjava Listu uspješnih kandidata.
- (2) Komisija je dužna Listu uspješnih kandidata sa bodovima dostaviti Upravnom odboru u roku od tri radna dana nakon obavljenog ispita.

IV. ODGOVORNOST ČLANOVA KOMISIJE

Član 12.

(Odgovornost članova Komisije)

- (1) Odgovornost članova Komisije je kolektivna i individualna odgovornost.
- (2) Članovi Komisije za svoj rad odgovaraju Upravnom odboru.

V. ZAVRŠNE ODREDBE

Član 13.

(Tumačenja, izmjene i dopune)

- (1) Tumačenje odredbi ovog Poslovnika daje Komisija.
- (2) Izmjene i dopune Poslovnika vrše se po postupku njegovog donošenja.


Član 14.

(Stupanje na snagu)

Ovaj Poslovnik stupa na snagu danom objavljivanja, isti će biti objavljen na oglasnoj ploči Ustanove, a primjenjivat će se do okončanja procedure javnog konkursa, objavljenog u Službenim novinama Federacije BiH, dnevnom listu Oslobođenje, oglasnoj ploči ustanove, web stranici www.mess.ba, web stranici Ministarstva kulture i sporta



Komisije za utvrđivanje prijedloga za izbor zaposlenika ustanove:



Sarajevo, 3.8.2020. godine
Broj: 01-VIII-373/20

Dostavljeno:

- 1x Upravni odbor
- 1x Web stranica
- 3x Članovima Komisije
- 1x a/a

